



**Broj: 11-11-1578/24**

**Datum: 30.09.2024. godine**

Na osnovu člana 70. stav (4) Zakona o javnim nabavkama ("Službeni glasnik Bosne i Hercegovine" broj: 39/14, 59/22 i 50/24) i člana 71. i 125. Statuta Općine Vogošća ("Službene novine Kantona Sarajevo", broj: 27/14, 14/15 i 9/20), a na prijedlog Komisije za javnu nabavku roba, usluga i radova, d o n o s i s e

### **O D L U K A** **o poništenju postupka javne nabavke**

#### **I**

Poništava se postupak javne nabavke radova: „Izvođenje radova na sanaciji klizišta „Kobilja Glava do broja 116““.

#### **II**

Za izvršenje ove Odluke zadužuje se Služba civilne zaštite Općine Vogošća.

#### **III**

Odluka o poništenju postupka javne nabavke objavit će se na web stranici [www.vogosca.ba](http://www.vogosca.ba), u skladu sa članom 70. stav (6) i članom 71. Zakona o javnim nabavkama Bosne i Hercegovine.

### **O b r a z l o ž e n j e**

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinskog načelnika broj: 11-11-1578/24 od 05.09.2024. godine.

Procijenjena vrijednost javne nabavke sa PDV-om je: 106.787,31 KM (slovima: jedinstotinašesthiljadasedamstotinaosamdesetsedam i 31/100 konvertibilnihmaraka).

Obavještenje o javnoj nabavci broj: 1353-1-3-188-3-141/24 od 05.09.2024. godine, poslano je na objavu na Portal javnih nabavki.

Komisija za provođenje predmetne javne nabavke je imenovana Odlukom Općinskog načelnika broj: 02-04-1587/24 od 05.09.2024. godine.

Iz Zapisnika sa otvaranja ponuda i Zapisnika o pregledu i ocjeni ponuda Komisije za javnu nabavku je vidljivo da je dana 27.09.2024. godine pristigla ponuda slijedećeg ponuđača sa ukupnom ponuđenom cijenom kako slijedi:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM) SA POPUSTOM i sa PDV-om
1.	Grupa ponuđača: KM Inžinjering d.o.o. i TERMO-BETON d.o.o. Breza	106.000,00	0%	106.000,00

Nakon izvršenog otvaranja ponuda Komisija je pristupila analizi dokumentacije iz jedine pristigle ponude u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponuda u skladu sa pravilima i procedurama utvrđenim tenderskom dokumentacijom i Zakonom i podzakonskim aktima, te je Komisija konstatovala da ponuda grupe ponuđača: KM Inžinjering d.o.o. Vogošća i TERMO-

BETON d.o.o. Breza nije pravilna iz razloga što ponuđač nije dostavio Punomoć za G. Mirzu Kovača koji je potpisao Izjave o ispunjenju uslova iz članova 45. i 52. Zakona o javnim nabavkama.

U skladu sa naprijed navedenim ponuda grupe ponuđača: KM Inženjering d.o.o. Vogošća i TERMO-BETON d.o.o. Breza kao takva se nije mogla uzeti u dalje razmatranje.

Komisija za javnu nabavku roba, usluga i radova jednoglasno je predložila Općinskom načelniku da u skladu sa odredbama člana 69. stav (2) tačka d) Zakona o javnim nabavkama donese Odluku o poništenju postupka javne nabavke radova: „Izvođenje radova na sanaciji klizišta „Kobilja Glava do broja 116““, jer jedina blagovremeno pristigla ponuda nije pravilna/prihvatljiva.

U postupku ocjene provedenog postupka Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisije za javnu nabavku. Naime, u postupku je ocijenjeno da je Komisija u svemu pravilno postupila te da je Odluka o poništenju postupka javne nabavke donešena jednoglasno u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 69. stav (2) tačka d) Zakona o javnim nabavkama, odlučeno je kao u dispozitivu ove Odluke.

**Pouka o pravnom lijeku:**

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08- 02-2-8303-1/14 od 09.10.2014. godine.

Izradila: Jasna Salihović

*Jasna Salihović*

Kontrolisala: Melisa Kršo

*Melisa Kršo*



**DOSTAVITI:**

- Grupa ponuđača: KM Inženjering d.o.o. i TERMO-BETON d.o.o. Breza
- Nadležnoj Službi
- a/a